

Ekinaren ekinez, kultur eskaintza iraunkorra Arrasaten

2010ean kultura eskaintza zabalagoa lortzeko helburuz, Kooltur Ekintza taldea osatu zuten Arrasateko zenbait musika zalek. Talde honen ekinari esker, urritik maiatzera bitartean ostegunero hitzordu finkoa du kulturak.

| IKER BARANDIARAN |

KOOLTUR EKINTZA taldeak Arrasateko kultura eskaintza aberastu nahi luke, eta ekintza nagusi gisa Kooltur Ostegunak izeneko ekimena jarri zuen martxan. Urritik maiatzera bitartean —biak barne— emanaldiak antolatzen dituzte ostegunero, eskema berari jarraituta beti ere: Arrasateko Gaztetxean izaten dira, 22:00etan hasten dira puntuan, 23:30etan bukatzeko; sarrera 5 eurokoa izaten da; talde bakarra aritzen da beti, sarreratik jasotako dirua eskuratzen du.

“Osteguna lan-eguna izanik, talde bakarren aldeko apustua egin genuen eta beti ere puntualitateari eutsiz”, azaldu du Kooltur Ekintza taldeko Haritz Zubiatek. Hala, Arrasateko eta beste herrietako musika zaleek badakite asteroko hitzordua zein den. “Formatu oso eroso da, jendeak gustuko du, bai ikusleek baita parte hartzen duten taldeek ere”, diosku Iago Casconek —Kooltur Ekintza taldeko kidea berau ere—.

Abiapuntua Gaztetxean

Koolturekoen aburuz, kontzertuak eta bestelako emanaldiak egiteko primerako baldintzak betetzen zituen herriko gaztetxeak, bat ezik: soinu ekiporik ez zegoela. Hain zuzen ere, Gaztetxeak agertoki handia du, 500 lagun sartzen dira, akustika eta ikusmen-puntu ona du, aldagelak, dutxak, sukaldea, lo egiteko lekua... Soinu ekipamenduaren arazoa saihesteko, herri bertako soinu enpresa batekin jarri ziren harremanetan, eta hango ardura-dunek materiala zorpean eman

zieten. “Kontzertuetan tabernan ateratako diruaz poliki-poliki soinu ekipoa ordaintzeko konpromisoa hartu genuen eta ia bete dugu”, azaldu du Zubiatek; “eta hori estali ostean, argietan inbertituko dugu”, gaineratu du.

Gazte asanbladak oso ondo hartu zuen asmoa eta, gainera, gaztetxea beste herritar batzuei zabaltzeko ere balio izan du ekimen honek. Kooltur Ekintzakoek, hala ere, argi dute haien eskaintzak ez duela zertan Gaztetxera mugaturik, eta badute asmoa hortik kanpo ere bestelako ekitaldiak antolatzeko.

Musika eta bestelakoak

Ekimen honen antolatzaileak musika zaleak direnez, kontzertuak dira Kooltur Ostegun

eskaintzaren oinarria, baina tarteak antzezlanei eta beste diziplina batzuei ere egin diete lekua. Ander Lipusen *Publikoari Gorroto* izan da azken adibidea.

Musikari dagokionez, mota eta jatorri askotako taldeak pasa dira bertatik; ia 40 talde kurtso bakoitzeko: horietako batzuk oso eza-gunak (Zea Mays, Atom Rhumba, Lisabö, Gari, Esne Beltza, Anari, Kerobia, Capsula, Mikel Urdangarin...); atzerrikoak ere gero eta gehiago (Japoniako Who The Bitch, Eskandinabiako Krissy Matthews, AEBetako The Hangmen...). Musika estilo ugari ekarri dituzte, horretan ere indar handia jartzen baitute arduradunek. Horren erakusle argia da orain arte bluesa, punk-rocka, popa, jazza, funkya, hardcorea, latinoak, post-rocka, garagea, folka, rock-and-rolla, etnikoa eta

KOOLTUR OSTEGUNAK / ARRASATEKO GAZTETXEAN

AZAROA 2013

THE HANGMEN
(AEB)
AZAROA 07

SANTA RITA
(CATALUNYA)
AZAROA 14

SONIC ANGELS
(FRANTZIA)
AZAROA 21

TOKYO SEX DESTRUCTION
(CATALUNYA)
AZAROA 28

22:00 5€

DATOZENAK: WHO THE BITCH, THE ALLRIGHTERS, GLAIKOMA

LAGUNTAILAK: musika

kooltur@arrasate.com • www.kooltur.com • www.azaroa.com



bestelakoak entzuteko aukera izan dela gaztetxean, eta horretan jarraitzen dutela.

Ostegunetako eskaintza zabal horri esker, bada Arrasaten bertan Gaztetxea ezagutu duenik. Zubiarek azaldu digunez, "Gaztetxeak adin eta estilo jakin batzuekin lotzen ditu jende talde batek, baina Kooltur Ostegunek aurreiritzi asko apurtu dituzte eta jende

Kooltur Ekintza taldeko kideak.

emanaldien sonorizazioari buruzko trebakuntza eman izana.

Zarata handirik atera gabe, lana fin eginez, gero eta talde (eta ikusle) gehiago batuz doaz ekimenera. Borondatea jarrita eta lan eginda, gauza ugari lor daitekeela erakutsi du Arrasateko talde honek. ■



Bertsolari Txapelketa Nagasia 2013

MURGIA

Palatu kiroldegia
Azaroak 17, 17:30ean


Aitor Mendizabe


Beñat Gaztelumendi


Fredi Paia


Justo Colina


Unai Egirre


Xabier Labeira

FINALAURREKOAK

OIARTZUN

Elorsoro kiroldegia
Azaroak 16, 17:30ean


Egin Labeira


Aitor Larriegi


Aia Martin


Beñat Lizaso


Ion Maia


Odei Barroso

ANTOLATZAILEA



LAGUNTZAILEA



www.bertsozale.com